

« Արմավիրի մարզի Արագած համայնքի ղեկավարի հաշվետու
զեկույցը 2013 թվականի առաջին կիսամյակում կատարված
աշխատանքների վերաբերյալ.

Հարգելի համագյուղացիներ, ավագանու անդամներ, մարզպետարանի կողմից
լիազորված ֆինասական բաժնի պետ պարոն Վ. Սկրտչյան Ձեզ են ներկայացնում
համառոտ տեղեկություններ Արագած համայնքի ղեկավարի և աշխատակազմի
2013 թվականի առաջին կիսամյակում կատարված աշխատանքների վերաբերյալ :
Նախ և առաջ ասեմ, որ Արագած համայնքը, համայնքի յուրաքանչյուր բնակիչ իրեն
առօրյա հոգսերով և խնդիրներով մշտապես գտնվում են գյուղապետարանի
և, հատկապես, իմ ուշադրության կենտրոնում:

Սկսեմ տարվա սկզբից.

Մեր համայնքի բնակչությունը ամբողջությամբ զբաղվում է գյուղատնտեսական
մշակաբույսերի մշակությամբ: Հետևաբար ձմռան ամիսները, համեմատական կարգով,
կարելի է ասել, որ հողի մշակի համար հանգստի շրջան էին:

Այդ ամիսներին ինձ համար կարևոր էր գյուղացիների ձմեռային հանգստի
կազմակերպման խնդիրը: Համայնքի կուլտուրայի տանը համայնքի միջոցներով
վերանորոգված և կահավորված խաղասենյակը գործում է ամբողջ տարին:

Մենք համապատասխան միջոցառումներ ձեռնարկեցինք և կարողացանք
ամբողջ ձմռան ընթացքում տաքացնել խաղասենյակը՝ գազի վառարանով:
Խաղասենյակը դարձել է գյուղացիների ձմեռային հավաքատեղին:
Հավաքվում են, զրուցում, անցկացնում են իրենց ազատ ժամանակը, խաղում են
նարդի, շախմատ, դոմինո:

Չմռան ամիսներին մեզ հուզող հարցերից մեկն էլ այն էր, թե գարնանը մեր բնակիչները մոտավորապես քանի հեկտար և ինչ գյուղատնտեսական կուլտուրաներ են մշակելու: Գիտենալով, որ մեր բնակչությունը մասնագիտացել է հիմնականում կաղամբի տարբեր տեսակների թարխունի մշակության գործում, և հետևելով ձեռք բերված սերմացուի և սածիլների մշակության աշխատանքներին, մենք գյուղապետարանի համապատասխան մասնագետների հետ մասնագիտական մոտավոր կանխատեսումներ արեցինք գարնանը գյուղում մշակվող գյուղատնտեսական կուլտուրաների հեկտարների վերաբերյալ:

Գարնանը մեր համայնքում մոտ 73 հեկտար տարածքի վրա սածիլվեց կաղամբի տարբեր սորտեր:

Խոսելով գյուղատնտեսական աշխատանքների մասին՝ ասեմ, որ վաղ գարնանը «ԽՈՅ» ջրօգտագործողների ընկերության աշխատակիցների հետ համատեղ մաքրել և վերանորոգել ենք գյուղի ներտնտեսային ոռոգման ցանցը: Գարնանային անձրևներից հետո վերանորոգել ենք դաշտամիջյան ճանապարհները:

Ուրախությամբ պետք է ասեմ, որ մեր համայնքում այս տարի արտադրվել է թարխունի, ելակի և ջերմոցային լոլիկի առատ բերք:

Խոսելով անբարենպաստ գյուղատնտեսական կլիմայական պայմանների մասին, բոլորտ էլ տեղյակ եք, որ մայիսի 12-ին համայնքի հյուսիս-արևմտյան մասում տեղացած կարկուտը մեծ վնասներ պատճառեց բնակչությանը: Այդ վնասի չափերն ուսումնասիրեց նաև մարզպետարանից ուղարկված հանձնաժողովը: Կարկտահարության հետևանքները վերականգնելու համար: Կառավարության կողմից ցուցաբերվեց համապատասխան մոտեցում: Տուժված գյուղացիական տնտեսություններին տրամադրվեց անհատույց սերմացու և դիզելային վառելանյութ և պարկը 6000 դրամով ազդուական պարարտանյութ:

Գյուղ.մթերքների բերքահավաքի նախօրերին ես պայմանավորվածություն ձեռք բերեցի գյուղում բեռնատար ավտոմեքենա, ավտոբուս և այլ բեռնատար տրասպորտային միջոցներ ունեցող բնակիչների հետ, որպեսզի նրանք համեմատաբար էժան գներով փոխադրեն նաև գյուղի մյուս բնակիչների բերքը, ովքեր տրանսպորտային միջոց չունեն: Ասեմ, որ կազմակերպչական աշխատանքների շնորհիվ գյուղում այս կիսամյակի ընթացքում բերքի փոխադրման խնդիր չի եղել:

Պայմանավորվածություն ենք ձեռք բերել Վրաստանի հանրապետության որոշ քաղաքացիների հետ, ովքեր մեր գյուղի արտադրած թարխունի բերքը արտահանում են նաև Վրաստանի հանրապետություն:

Շարունակելով խոսքս՝ տեղեկացնեմ Ձեզ, որ մեր համայնքում գյուղատնտեսական աշխատանքները, սկսած վաղ գարնանային սածիլացման աշխատանքների՝ մինչ՝ օրս ընթացել են նորմալ բնականոն եղանակով, առանց որևիցե լուրջ խնդիրների, համապատասխան ժամկետներում՝ ըստ գյուղատնտեսական մշակաբույսերի:

Շարունակելով խոսքս կատարված աշխատանքների մասին ասեմ, մարտի 8-կապակցությամբ դպրոցի ուսուցչուհիներին մանկապարտեզի և բուժամբույլատորիայի աշխատակցուհիներին տրամադրել ենք նվերներ:

Հաճախակի են այցելում դպրոց և հետևում կրթական գործընթացին, մշտապես մասնակցում և իմ աջակցությունն են ցուցաբերում դպրոցում կազմակերպվող միջոցառումներին:

Մասնակցել ենք վերջին զանգի կապակցությամբ կազմակերպված միջոցառմանը և տրամադրել ենք համայնքի կողմից ավարտական վիճակագրեր:

Կանանց միջազգային օրվա՝ մարտի 8-ի կապակցությամբ, համայնքի կին թոշակառուներին տրվել են նվերներ:

Բանակի օրվա կապակցությամբ ավանդաբար նվերներ բաժանեցինք նաև համայնքի արական սեռին պատկանող թոշակառուներին:

Ասեմ, որ մանկապարտեզն աշխատում է լիարժեքորեն: Մանկապարտեզ են հաճախում համայնքի 3-ից - 5 տարեկան 66 երեխա: Երեխաները ապահոված են լիարժեք սնունդով: Մանկապարտեզը ապահոված է համապատասխան գույքով՝ խաղային և գրենական պիտույքներով, ունի կից խաղահրապարակ և ծաղկանոց:

Այս կիսամյակում մանկապարտեզում անցկացրել ենք բնական զագ: Մանկապարտեզն ապահոված խմելու ջրով և սանհանգույցով:

Խոսելով դպրոցի և երեխաների մասին՝ ասեմ, որ զբաղվում եմ մեր երեխաների առողջության և ֆիզիկական պատրաստվածության խնդիրներով:

Հունիսի 28-ից, ի ուրախություն մեր երեխաների, մաքրեցինք և ջրով լցրեցինք գյուղի լողավազանը: Մշտապես ջուրը պահում ենք մաքուր վիճակում՝ պահպանելով սանիտարա-հիգիենիկ կանոնները: Լողավազանում գալիս են լողանալու նաև հարևան համայնքների երեխաները:

Այս կիսամյակում պարբերաբար փոխել ենք գյուղի կենտրոնական փողոցի գիշերային լուսավորության համակարգի փչացած լամպերը և անջատիչը:

Չարնան սկզբին մաքրել ենք կենտրոնական պողոտայի հարակից ոռոգման ներտնտեսային ցանցը: Բարեկարգել ենք կենտրոնական պողոտայի ծաղկանոցը, տնկել ենք բազմերանգ վարդեր և այլ ծաղիկներ:

Բարեկարգել ենք և պատշաճ տեսքի բերել Հայրենական Մեծ պատերազմի զոհերի հիշատակին կառուցված հուշարձան – կոթողի տարածքը:

Կուլտուրայի տան հարակից պուրակում տնկել ենք վարդեր և 40 հատ նոր եղևնիներ տեղադրել ենք նաև ցայտաղբյուր:

Խոսելով գյուղում կատարված աշխատանքների մասին՝ ասեմ, որ այս կիսամյակում ձեր աչքի առաջ նույնպես աշխատանքներ ենք կատարել խմելու ջրի ներտնտեսային ցանցի վրա:

Մեր աշխատանքները անարդյունք չեն, և Դուք դա նկատում եք: Գյուղն ապահովված է 24 ժամյա խմելու ջրով, տեղադրված են ջրաչափեր: Համայնքի սանիտարա - հիգիենիկ վիճակի մասին խոսելով՝ ասեմ, որ համայնքում աղբաթափության և սանմաքրման աշխատանքներն իրականացվում են գյուղապետարանի կողմից սահմանված համապատասխան գրաֆիկով: Խոսելով կատարված աշխատանքների և աշխատակազմի կատարած աշխատանքների մասին՝ շարունակեմ. գյուղապետարան դիմած ցանկացած բնակիչ ստացել է իրեն հուզող հարցի պատասխանը՝ «՝ օրենքներին համապատասխան:

Բնակիչներին ենք տրամադրել թվով 466 տարբեր բնույթի և բովանդակության տեղեկանքներ:

Տեղեկացնեմ Ձեզ, որ այս կիսամյակում համայնքում ծնվել են 10 երեխա՝ 6 տղա 4 աղջիկ: Յուրաքանչյուր ծնված երեխային համայնքի բյուջեից տրամադրել ենք 20000 դրամի նորածնի նվերներ: Շարունակելով խոսքս ասեմ, որ մարտ ամսից վերաբացվել է գյուղի պարի խմբակը:

Որպես մարդ և համայնքի ղեկավար, ես մշտապես հետաքրքրվում եմ մեր բնակչության սոցիալ-տնտեսական վիճակով: Ցավով եմ նշում, որ մեր համայնքում դեռևս կան սոցիալապես անապահով ընտանիքներ և գյուղապետարանը ուշադրության կենտրոնում է պահում այդ ընտանիքներին:

Գյուղում մահացած ընտանիքներն դրամական օգնություն է ցուցաբերվում: Ավագանու որոշմամբ այս տարվա սկզբից նախատեսվել է յուրաքանչյուր մահացած ընտանիքին տրամդրել 60000 հազարական դրամ:

ԴՈՍԱՖ-ի ավտոդպրոցում սովորող 3 ուսանողների, որպես ճանապարհածախս տրամադրվել ենք դրամական միջոցներ:

Վերջում խոսեմ համայնքի հողի հարկի, գույքահարկի, տեղական վճարների հավաքագրման և բյուջեի կատարման ընթացքի մասին:

Ասեմ, որ այս մասով հաշվետու ժամանակահատվածում մեր աշխատանքները համեմատած անցած տարվա հետ նույն ժամանակահատվածի հետ վատ ենք կատարել Համայնքի բնակիչները դժվարությամբ են վճարում իրենց հարկերը՝ պատճառաբանելով մայիսի 12-ին տեղացած կարկտահարության հասցրած վնասները:

Բնակչության մի մասն էլ իրեն հույս է ներշնչում, որ չտալով հարկերը, կարող են մի օր էլ դրանք գիջվեն կառավարության կողմից:

Ասեմ, որ այս տարի, համեմատած մյուս տարիների հետ, հարկային գումարների հավաքագրումը կատարվում է դժվարությամբ և ցածր տոկոս է կազմում:

Մեր համայնքի բնակիչները թող չմտածեն, որ այս գումարները չեն հավաքագրվելու, գոյացած ապառքները հավաքագրվելու են տույժ և տուգանքների հետ միասին:

Ես ուղակի խնդրում եմ, որ մեր գյուղացիները գիտակցաբար մոտենանա այդ հարցին, գուր տեղը իրենց հաշվին ավելորդ պարտքեր չկուտակեն և կատարեն իրենց հարկային պարտավորությունները:

Հաշվետու ժամանակաշրջանում բյուջեի կատարումը ներկայացնում եմ թվերի տեսքով

	Պլանային	Փաստացի	Տոկոսային
Հողի հարկի հավաքագրում	6501,5	2919,8	45 %
Գույքահարկ փոխադրամիջոցներից	1500,0	634,2	42,2 %
Գույքահարկ շենք շինություններից	150,0	280,0	187 %
Տեղական տուրքեր	144,0	-----	-----
Հողի հարկի վարձակալական վճար	60,0	-----	-----
Բյուջեի համահարթեցման դոտացիա	15503,5	15503,5	100%
Տեղական վճար	550,0	239,6	43,5 %
Ընդամենը	24409,0	19577,1	80.0%

Ծախսային մասով

	Փաստացի
Աշխատավարձ	11186,5
Էներգիայի և գազի ծառայություն	781,0
Կապի ծառայություն	50,7
Համակարգչային ծառայություն	53,4
Ընդհանուր բնույթի այլ	66,0
Տրանսպորտային նյութեր	800,0
Գրասենյակային նյութեր	100,0
Սուբսիդիա	3486,9
Սոցիալական օգնություն	825,1
Աղբահանություն	416,0
Մասնագիտական ծառայություն	137,0
Ներկայացուցչական ծախսեր	1000,0
Քուժ- ամբուլատորիայի գազի ծախսեր	100,0

Ձեկուցող

Համայնքի ղեկավար



(Handwritten signature in blue ink)

Ա. Կամավոսյան